

Guangjisi Minzcu Bau

ganhhau: CN45-0036 B.2017 Nd.2 Ng.22 liggaeuq dingyoux nienz ndwencieng ngeihroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3262期

Swcigih Minzyijveij Diuyenzcuju Daengz Ningzmingz Yen Haiguh Hong Minz Gun Song Vah Huzndei Diuyenz

自治区民语委调研组深入宁明县开展民汉双语和谐工作调研

2 nyied 14 daengz 15 hauh, Swcigih Minzyijveij fucujyin Veih Yungjhungz daiq diuyenzcuju daengz Ningzmingz Yen haiguh hong minz Gun song vah saw huzndei diuyenz.

Diuyenzcuju cwnngzyenz baugvat Swcigih Minzyijveij fucujyin Yi Siz, fusinzsiyenz Yiz Feih caeuq baux-fucwz mizgven cusiz. Diuyenzcuju youq Ningzmingz Yen gonqlaeng bae raen le bauxfucwz cujyau yenveij caeuq yenciz mizgven bumwnz aen yienh neix, hoizwngq le gij genyi youq daengx gih gak gaep hoih hozdung hungnaek daengj cungdenj lingjyiz gyagiengz hagsib sawjyung Saw-cuengh, Liuz Yungj swcigih yinzda daibyauj, yenveij suhgi aen yienh neix yiendaeuz caeuq 6 baux swcigih yinzda daibyauj lienzhab roengzmingz bineix daezok haenx, caemhcaiq camgya le 2 nyied 14 hauh banringz-gvaq aen hoih naenghdamz hong minz Gun song vah saw Ningzmingz Yen-veij, Cwngfuj aen yienh neix hai haenx.

Gwnz hoih naenghdamz, Ningzmingz Yenveij suhgi Liuz Yungj gaisau le gij dajveh "cibsam haj" geizgan yenveij, cwngfuj aen yienh neix youq daengx yienh doicaenh hagsib yunguh Cuengh Gun song vah saw, ceng caux aen yienh senhcin Cuengh Gun song vah saw huzndei, bang doi vwnzva Byaraiz hwnghat moq, coicaenh minzcuz doxgiet cinbu, yenveij cangzveij, fuyencangj Veiz Dungjbinh caeuq senhconz, gyauyuz, minzcungh, minzyij daengj bauxfucwz mizgven yenciz bumwnz gonqlaeng



baulwnh gij lohnaemj caeuq fueng-anq gak bumwnz caeuq lingjyiz guh hong Cuengh Gun song vah saw huzndei. Diuyenzcuju cungfaen haengdingh Ningzmingz Yenveij, Cwngfuj yawjnaek caeuq haeuicoengh hong saw vah minzcuz, doed ok Cuengh Gun song vah saw huzndei, coicaenh minzcuz doxgiet cinbu saehnieb, biujsiq yaek gaenxmaenx fatok gij cizwnghz guhhong Swcigih Minzyijveij guenlleix caeuq sonyinx vah saw minzcuz daengx gih, haengqrengz haeuicoengh caeuq boiqhab Ningzmingz Yen haiguh hong Cuengh Gun song vah saw huzndei. Ginggvaq doxdoeng doxgyau, song mbiengj ciuq gyamaenh gyalag bi' gvaq Gveizdangz Cunh ndaej bingz baenz Cuengh Gun song vah lajmbanj sawqdiemj guhhong

cingzgoj, youq "cibsam haj" geizgan daengx yienh doengzcaeuz doicaenh haiguh hong Cuengh Gun song vah saw huzndei dabbaenz doxrox doxdoeng, doiq mizgven hong gveihva caeuq fueng'anq guh le yaenglwnh.

15 hauh, Veih Yungjhungz dak hawj Yi Siz gonqlaeng bae daengz Cwngzcuengh Cin Gveizdangz Cunh caeuq yen minzyijban diuyenz, caeuq Gveizdangz Cunh "song vej" banhsuj, ganbu youq mbanj, ganbu yen minzyijban doengzcaeuz yenzgiu doeksaed bineix gyamaenh Gveizdangz Cunh Cuengh Gun song vah saw huzndei lajmbanj sawqdiemj cwnghzgoj, gyalag daezswng gij cingzyauq guhhong sawqdiemj daengj gven-daengz saehhangh. (Moz Binh/莫滨 Moz Liujgvei/莫柳桂)

Sanghgyauz Cin Gaenxmaenx Haiguh Hong Minzcuz Doxgiet Caeuq Cunghgyau Senhconz

双桥镇积极开展民族团结和宗教宣传工作

Bi 2017, Namzningz Si Vujmingz Gih Sanghgyauz Cin gaenxmaenx maeuzveh, nyinhcaen haiguh hong minzcuz doxgiet caeuq cunghgyau senhconz, baujmaenh daengx cin daengx bi hong cauxlaeb minzcuz doxgiet caeuq cunghgyau senhconz yamqonj haiguh.

It dwg gyagiengz lingjdauj, baujmaenh cwzyin daengz vunz daengz dieg. Sanghgyauz Cin nienzco couh aeu hong minzcuz doxgiet caeuq cunghgyau guh le anbaiz, aeu cin dangjveij fusuhgi, yinzda cujsiz guh cujjangj, gak mbanj(segih) suhgi

roxnaeuz cujyin guh fucujjangj, faenguenj banhsuj lingjdauj guh ciengzsaed bauxfucwz, doiq hong daengx cin guh le anbaiz, iugouz gak mbanj(segih) youq ngoenzciet geizgan gyagiengz hong cunghgyau senhconz.

Ngeih dwg gyagiengz beizyin, daezsang roxyiuj. Sanghgyauz Cin youq 1 nyied 4 hauh cujiz daengx cin gak mbanj(segih) suhgi cujyin, cinciz nem youq cin danhvei cujyau lingjdauj 100 lai vunzbaez hagsib roxyiuj minzcuz doxgiet caeuq cunghgyau cihsiz, caenh'itbous daezsang daengxbuenz yisiz, cietsaed guh ndei

hong minzcuz caeuq cunghgyau.

Sam dwg gaenxmaenx senhconz, daezsang roxyiuj cingzsoq. Yenzdan, ndwencieng geizgan, Sanghgyauz Cin leihyungh seizheiq bonj cin, gak mbanj(segih) haiguh gak cungj coux ndwencieng hozdung, caphaeuj haiguh minzcuz doxgiet caeuq cunghgyau cihsiz senhconz hozdung. Caeuq singzgi minzcungh, cunghci, gungcinghdonz, hagdangz daengj bumwnz haiguh senhconz, gungh venj fuk baengzhoengz 4 diuz, fatcuengq senhconz swlhliu 300 lai faenh.

(Cinz Lingz/覃玲)

SIUSIK DINJ

简讯

● Vih guh ndei hong guh iengangq bi 2017, Cingsih Si Vadung Cin Dangjveij, Cwngfuj caeux dungyenz, caeux anbaiz, caeux doeksaed, baij ok 10 aen doih fugsah bang bauxguhnaz, bae daengz gyang reih gyang naz vih ranz ndaem ien fugsah, baujcwng hong senj din'ien ndaem roengz naz bae guh ndaej swnhleih.

(Vangz Anhcungh)

● Seizcin daengz lo, Denzyang Yen Gohgigiz cujiz doih fugsah sonyinx gohgi, daengz Bohhungz Cin Ginzvaz Cunh haiguh son'gyauq dinfwngz ndaem makgaivaiz, makbug nohnding, makmaenj sanhvaz daengj. Dangzgoq beizyin hopheux gij hong seizcin guenlleix dinfaex, fuengz binghhaih nonhah, dinfwngz raed nga daengj, yungh lauxhangz hwnjdangz, daengz dieg sonyinx, fatcuengq swlhliu mbouj aeu cienz daengj hingzshik guh, soundaej yaujoj gig ndei.

(Vangz Gozsun Loz Ginzdauj)

● Bi 2017 ndwencieng geizgan, Lungzanh Yen Nazdungz Cin Cinliuz Cunh banh coux cieng vwnzyi vanjvei, yienj Heiqbegvah, biujyienj fouxgvangjangz daengj haujlai hangh vwnzdij hozdung, yinx ndaej 6000 lai baux vunzlai siujsoq minzcuz aen cunh neix nem cunh henzgyawj daeuj yawj, hawj gyoengq vunzmbanj yiengjsouh mbat vwnzdij ngaizhoengh he.

(Cangh Li)

● Gaenh bi neix daeuj, Yinhcwngz Yen yungh "yenj-cwngz gyauyuz" guh ingbaengh, hawj gyoengq bauxguhnaz mbouj yungh ok mbanj couh ndaej daj gwnz muengx hag ndaej dinfwngz dajndaem dajciengx, roxyiuj gij saenqsik baenz fouq caeuq hawciengz siugai daengj, sonyinx bauxguhnaz hwnghat gij canjnieb miz daegsaek. Lij leihyungh yenj-cwngz gyauyuz bingzdaiz, songyauq bauxguhnaz guh guenlleix reihnaz, fuengzyw binghhaih nonhah, dinfwngz baenz fouq daengj, ciuq dieg bae hwnghat deihfueng dajndaem dajciengx ginghci.

(Lanz Cunghcwngz)